

萬 有 文 庫

第二集七百種

王 雲 五 主 編

湖 海 詩 傳

(九)

王 昶 輯

商 務 印 書 館 發 行

湖海詩傳

(九)

王祖輯

萬有文庫

第二集七百種

總編纂
王雲五

商務印書館發行

湖海詩傳卷三十八

王復

字敦初號秋塍秀水人監生由四庫館議敘官偃師知縣有樹護堂詩

蒲褐山房詩話秋塍承其學人穀原之學彈見洽聞詩才凌厲少即與汪雲壑祝西澗蔣春雨諸人聯吟闢險索避其鋒既而入京師游秦中從予及秋帆撫軍最久迨簪仕中州初任商邱令又偕幕寮彭受園等流連觴詠尋調偃師繼湯君毓卓之後湯君南皮人乾隆壬午孝廉搜羅金石重輯志書與武君虛谷交君繼其後風流彌劭游龍門砥柱極山水之勝作長卷以紀之同安陽令趙君希璜皆以仙吏稱旬如月明漁火全無影夜靜江濤漸有聲草色青迷沽酒處杏花紅點渡江時涼氣吳彩輕易透離愁魯酒薄難降碧窗晨展泥金帖紅燭宵浮藥玉船吟來詩句清呈佛老去容顏瘦有神新詞且共歌鹽角舊醪還來撥頭燭花送喜春爭發弓月流輝夜未深皆繪藻相宣宮商叶應

雨傘七疊前韻

削竹仿製笠糊紙似蒙鼓圓轉膏油塗柱立圓影午摺疊攜甚便平開闔機莫杜晴時任棄置縈塵暗側戶積陰忽兼旬密雲如釀醕出門愁霑濡利用逮婢女手重互易持氣蒸變熱煦大勝瓦爲之亦便披簑侶響疑篷庑聽點滴頭上數況資暑月宜遮避炎曦苦遙思紫蓋張飛共落花嫵繪畫雜綺羅擁護盡文組未若此便民風雨占十五蕭然破屋中差免濕竈土破屋常持傘東坡句

兩峰畫梅見贈詩以奉酬用東坡李公擇梅花詩韻卽送其還揚州

北地寒色早。林木淒飈動。先生坐旅窗。筆硯自吟弄。腕虛回春風。繁枝破荒凍。香雪燦滿林。悞引蜂蝶閤。昨朝尺幅貽。隔巷走僊從。展挂玉丫叉。我懷忽孤縱。先子交君師。兩峰爲金壽門先生高弟。壽門與先大夫交甚契。每歲寫梅寄贈。投契如伯仲。年年驛使來。遠道幽情賁。每當縑素開。勝比琳琅重。茅堂氣和盎。窺檐鳥頻哢。時予髮甫束。立侍側清飆。迄今幸弄藏。感往餘嗟痛。茲復得此圖。好似割垣雍。遂訂冰雪期。稍醒塵土夢。修到定幾生。明月閒鋤種。師承有淵源。落筆自超羣。出藍千載眞。浮白一宵共。君還羽騎鶴。我愧雛稱鳳。竹西千百株。春到舊巖洞。他時訪故人。更撥香泥甕。

正月八日曹種梅招同朱梓廬小飲同用東坡送曹子方韻

幽居傍水曲。凍解搖晴瀾。竹林倚翠袖。梅影欹黃冠。齋中蠟梅盛放。近著帙益富。新書墨未乾。足音喜空谷。言泉瀉流灘。吟情未嫌苦。春味方宜酸。嘉魚薦丙穴。生菜登辛盤。我今困勞悴。君毋歎懷安。境閒心自適。宵短夢易闌。志在業千秋。情豈榮一官。擬尋山水勝。寧辭道路難。梓廬種梅約遊天台。相期棄蝸角。長往持漁竿。磯頭舊鷗鷺。斯盟應不寒。

牆下小軒題壁

小築三間屋。幽居春事宜。林深知鳥樂。牆短愛梅欹。地占金陀里。禪參玉版師。軒後新栽竹。經營眞不易。誰寄草堂貲。

日涉聊成趣。情懷與俗疏。課僮芟徑草。留客翦園蔬。靜卷彈碁局。閒繙種樹書。預期銷夏好。一枕北窗虛。

次韻答紅泉題予遊草之作

他鄉負米記年時。惜別懷人得句遲。繫馬垂楊邨店酒。落帆斜日女郎祠。心酸南浦江淹賦。腸斷東風賀鑄詞。不是天涯倦遊客。此中愁思更誰知。

百泉將往邗上予以事阻未及同行疊前韻送之

渡口楊花亂拂衣。行勝檢點上船扉。去如海燕尋巢舊。到值江魚入饌肥。綺語徐陵欣共賞。時與秋
淵偕行窮居王粲歎無依。紅橋流水湔褰碧。遲我風鳶接翅飛。

和介堂移居詩原韻

家具移來幾束書。翛然真覺愛吾廬。定教快意屠門肉。且免長歌客舍魚。添種花枝依逕曲。量栽蕉葉補窗虛。簾圍小院愔愔靜。一榻熏風午夢初。

冬日晴暖農人望雪甚殷詩以催之用東坡雪後書北臺壁韻二首

歷尾駸駸暑影纖。披裘未覺氣凝嚴。人來舊苑懷詞賦。時到殘冬念米鹽。早有微陽烘麥隴。可無甘澤慰茅檐。陶家況味真清絕。待掃繁雲出素尖。

畢逋聲裏亂昏鴉。隔巷香聞過麴車。未見風流吟謝絮。先教火急試唐花。堂前白戰思詞客。江上青錢貯

釣家。賤乞碧翁陰。早合同雲延。望手頻叉。

和渭川寓感原韻卽以寄懷

郎官漫說應星辰。落拓方嫌衆裏身。暖氣欲吹鄒子律。狂飈偏惹庾公塵。悠悠閱遍三千界。錄錄容隨十九人。歲暮冰霜方歷盡。幾番芳信待回春。旅館宵談靜掩門。天寒惜別黯吟魂。銷愁且自傾三雅。溷俗何能淨六根。鴻雪浮蹤留不定。鶯花好夢去無痕。自緣力弱難酬報。怨李恩牛總莫論。年來物我漸相忘。得失紛紛詎足傷。涸轍終教窮鮒活。占巢空笑拙鳩忙。銅臺遺蹟尋香履。雪苑前遊憶詠觴。各有千秋傳業在。名山到處好收藏。

珠蘭十二韻

縛架支柔榦。移盆就畫檐。慣滋清露潤。不避暑風炎。名字湘潭襲。來程閩海淹。霏微肌粟綴。淺淡額黃添。開處猶疑蕊。繁時欲逗簾。貫思珠瑟瑟。摘想玉纖纖。小扇低承綺。清簃滿貯奩。浴餘蟬翅掠。妝罷鳳頭拈。粉助芙蓉豔。毬成茉莉兼。枕函嬌夜合。茗盞鬪春尖。軟語吹唇密。濃香入夢甜。經時常眷戀。腸斷莫相嫌。

一名斷腸花。見本草。

重陽後四日述菴先生招同朱笥河翁覃溪程魚門三先生暨趙少鈍陳竹厂徐蒼林黃仲則張

蓼樓諸君集經訓堂送錢獻之赴西安分體得五言排律二十韻

衆葉紛辭樹。相攜正黯然。驪駒方在路。萸菊復開筵。榮豈浮名慕。才應大雅憐。虛堂頻會合。畸士半連瀛。繾綣情何重。艱難道自全。幾年遲握手。匝月鎮隨肩。識字推揚子。通經擬鄭元。宮商精辨審。輪軸細參研。時以新刊詩音表及車制考見示言洽蘭同臭。交真石比堅。涼亭時挈榼。禪室屢分牋。題字羊裙濕。尋幽謝屐穿。暢懷當

暑月。彈指逼霜天。壯志囊中鐵。離音膝上絃。荒榛搜古碣。疎柳綰吟鞭。旅食勒加飯。征衣重著緜。高原秋色迴。遠塞驛程連。圖就關重入。獻之有入關圖書成市可懸南州留舊榻。東閣重時賢。別語今宵永。遐音異日傳。臨岐回首處。淒絕各風烟。時予亦將南歸

述菴先生屬題三泖漁莊圖四首

一鏡碧搖檻外。千螺翠湧窗前。山水東南甲秀。波雲下上澄鮮。別墅謝公絲竹。小園庾信江關。何似筆牀茶竈。天隨子共往還。久別田廬無恙。繫情邱壑難忘。靜對生綃幾幅。兼葭秋色蒼蒼。事業富韓一代。文章燕許千秋。空憶烟波清興。閒眠讓與沙鷗。

九月杪將北行同人餞飲於晚晴齋聯句

倦歸息澹簷。人事瓠壺擾。良會日無多。理裝復秋杪。復王郎久衣褐。關津急征鳥。鬱鬱壯歲懷。扶搖望雲

表祝詞場湖前輩。雛鳳清聲紹舊業。守青箱。珍材挺孤篠。蔣元我昨遊金臺。文苑窺宵篠。冠蓋萃羣英。魁

台耀葩瑤。汪彝銘上林體麗則原艸。句驚矯。遇合會有時。勿歎知音少。王尙十年識豫章。千里駕驥馭。直欲

鉛槧偕。祇恐侏儒飽。汪大紳豈曰玉美燕而思瑟倚趙。謀生免家食。弔古足登眺。汪如朝來涼風適。持袂形

神悄。騷騷落葉聲。役役飛鴻爪。復薦達有蕭朱。論交見管鮑。飄零竹林社。惜別意難了。高於此且留連。騰

觚酌清醪。披綿肥曠村。斫雪健松柳。龍元砌擷菊枝殘。窗鳴雨點小。相勸添盃壺。劇談判參昴。銘爛醉今夕

歡。離愁明日攪。抽帆江楓欹。並轡驛堠遠。緇衝寒入國門。毋使鄉信杳。紙閣鑪夜紅。天街雪晴皎。大紳觀面

先後期。蹇驢柳春曉。書屋借城南。鵲袍戰京兆。如洋

徐書受

字尙之。武進人。監生。由四庫館議敘。今官南台知縣。有教經堂集。

蒲褐山房詩話尙之少而食貧。長而多故。彈鋏依人。恆有四方之役。羈旅道塗。所作往往牢愁激楚。大抵取法在孟東野。張文昌間。然才情諧暢。兼效元白。早年與仲則映微輩出入。門下甚久。各以古道相期。詩格雖不同。其篤於性情一也。

無米

沒徑長蓬蒿。結廬背城郭。問何突不黔。怪豈鐺折腳。竈婢告瓶罄。菜色共寂寞。既缺太倉糴。詎效屠門嚼。庾空愁腐鼠。盎竭噪飢雀。誰憐顏公乞。寧就仁祖索。吾將屏甘濃。息意事葵霍。世無監河侯。口腹竟奚托。

三旬遭九食。君子固窮約。指困未爲貪。餉新或堅却。碧韭炊黃粱。紅鹽裹青箸。粥糜已無餘。麥飯尙堪擢。養生娛性命。沽酒傾下若。高坐方浩然。時聞嘯歌作。一飽同何曾。毋嫌食單薄。

新嶺

振衣忽霄漢。巉絕已平視。一線上天宇。萬笏出地底。斜日在半崖。高鳥飛不起。豁然倚層空。盤旋徑邐迤。雲生乍籠袖。澗響復盈耳。何處烟林鐘。天風吹十里。躡景有羽翰。蒼蒼暮凝紫。

十八盤

朝行千礪曲。暮宿萬山岳。嘆奇先舌橋。瞻顧笑目竭。盤陀況梯升。橫出更斗絕。攀躋分寸難。十步四五歇。下視愁懸猿。上陟怯飛鶴。力均連股尻。意動惕毛骨。輪摧機轉確。車簸海浮筏。虛烟沉翠壑。杳靄插遠笏。精藏白日駭。蛇蛻來徑滅。亭臯俯呀摩。人馬比蛩蟻。奔雷動地脉。素彩散天闕。崩崖猶見樹。陰洞未消雪。荒榛時罨罟。怪石屢臬兀。險應穿鳥道。幽恐近虎窟。雖復登陟勞。陋彼坂九折。

懷述菴先生贈莊明府

成烈

近來弟子多著錄。海內無過王與朱。鶴自從二老僅存一。如水注壑士益趨。我交明府歲丁酉。經訓堂中醉卮酒。張夢樓徐詹林一輩並異才。詩成起爲先生壽。先生再登朝。請假一上章。松楸慕無已。諒益鬚鬢霜。我行四顧徒茫茫。近知明府在。感我故意長。明府何如廣文冷。絕異恆情發深省。次園由廣文薦舉然時時墓爲廣文日不可復得也

爲政風流希古人。絃歌遺澤何其幸。

雨宿田家

瀟瀟雨滑滑泥。泉淙淙近前溪。車輪不轉用力齊。僕夫告瘁愁路迷。昏止樹林下。老馬同烏棲。多謝野翁意。怪我顏色低。遙指草廬在。繞出溪前堤。前堤亦非遠。步步如登梯。全家細弱共一飽。勞君爲我具黍雞。野翁良不俗。室中尙有牛衣妻。妻餉餽翁執犁。嗟予蹤跡苦無定。終歲道路常東西。來時纖草綠。去日寒風淒。野翁揮手且復別。我本途人信馬蹄。

濬縣登眺近山用岑嘉州留題縣南樓韻

一堆空翠如欲飛。黃葉滿林禽暮歸。嵯峨石碎馬蹄滑。徜徉有客風吹衣。太行隱隱環山縣。恍似荆關畫圖見。居人日在翠微中。問客徘徊何所羨。我思不若買小邱。規池養魚通澗流。庾公於此興不淺。月出更上城南樓。謂松園先生

獻縣塗遇馮大百史訊知西河客遊長水

常年揖別判東華。消息憑傳故里賒。不覺輕塵同駐馬。可憐高樹已藏鴉。賦成明水年尤少。榜盡孫山事可嗟。今世子雲愁入俗。傾脂河畔醉鳧花。

蘆溝道中

嵯峨石路一車輕。似在危灘駭浪行。霜柳未黃矜雨色。風蟬將老變秋聲。頻至寄跡才何用。幾處懷人夢不成。宛憶春塘冰乍泮。典衣沽酒話平生。去春借西河過此。

送董超然南歸卽寄錢大魯思楊三西河次用少陵夔府咏懷一百韻

跡久違吳下。人頻會日邊。蹉跎淹壯志。哀樂萃中年。已刻無成鵠。聊同不繫船。撫膺惟莞爾。舉首孰裊然。物態應看慣。人情本重遷。厭題鸚鵡賦。半廢蓼莪篇。告瘁寧求息。刊方尙惡圓。恰逢飛絮候。又負養花天。曩日遨遊數。茲邦習氣偏。西疇初餉餼。東路正防川。董相帷猶在。陳蕃榻自懸。莫攜磨鏡具。誰貸辦裝錢。異地空相顧。貧交轉共憐。三千齊上客。七十郡名泉。考古情逾澹。懷歸眼欲穿。童烏能學語。少弟並扶肩。爾去誠良策。吾留僅冗員。羈棲寒素約。合并隔塵緣。爲溯湖濱勝。曾招畫舫便。小桃輕喚雨。弱柳暗藏烟。枚馬論遲疾。王盧較後前。長生拚似鶴。結友盡疑仙。景物都陳迹。詩章莫浪傳。好山供俯仰。流水送潺湲。以上敘戊戌春與錢董二君歸自湖上。一自離羣出。重教憂患煎。事同蟲食苦。形比蟻投羶。陋巷迴車騎。華堂避舞筵。種纔

分菽麥。微敢托鵬鷃。未是無心失。終期怙過悛。徙薪愁曲突。浙米向霜鉏。呼吸生真寄。屯亨命有權。虞翻傷傲兀。杜篤免拘攣。夙願應將遂。沉疴頓令蠲。俗儒爭誚讓。豪族盛遊畋。不惜珠爲彈。從知瓦可全。賓僚輕許掾。雅意進彭宣。謬得羣公嘆。何求一士賢。紛紜存夏五。變幻悟秋千。鳩乃營巢拙。鶯還出谷先。長楊初薦達。短翮歛聯翩。縱異生枯管。能知緩急絃。快方標鴈塔。悔早失魚筌。涉世誠疎矣。忘機盍泯焉。龍門

仍踉蹌。驥尾暫回旋。賦或嗤奇字。文甘味太元。幾人成誓墓。何事亟歸田。問夜檠同剪。嬉春轡每連。病餘

慵買卜。食少費烹鮮。歲月無停軌。音書附去舩。涕痕猶滿袖。危語動盈筵。以上辛丑楊君登第後。稍驚

魂集。時時遠夢牽。平生懷放曠。吾輩各迍邐。易得浮蹤合。毋憂宿諾捐。贈綈悲寂寞。伐輻刺淪漣。幕府趨

關輔。謂獻之。蕭齋傍澗。漢章應尾。題襟聞洛社。感舊緬秦阡。詎效孫登嘯。行加祖逖鞭。名流希結納。

靜女獨嬋娟。不謂辭鄉樹。還來聽暮蟬。相逢初換葛。小頓又裝綿。偶乞僧廚飯。常虛客舍氈。花時偕側帽。

陌上競遺鈿。底用區門戶。徒嗟仰屋椽。忍看紅葉謝。被喚海棠顛。腹稟乘酣脫。頭風及旦痊。句教千白傅。

才。倘妬青蓮。挈侶商投足。登車信曲拳。孔庭陪對鯉。楊席見銜鱣。冒雨尋荒榭。衝泥沒錦韉。所欣蘇久旱。

非比潤微涓。以下董君同寓都下。及後至清源。此會皆天假。追談到海堧。不扶筇竹杖。定製布行纏。嶺勢劖霄立。灘聲挾

石眠。向來神頗王。孤往興尤堅。佳果經時熟。繁香彌望妍。菩提增蔭鬱。蝴蝶弄翩翾。土俗如前否。登臨念

慎旃。聚糧俄北首。著集尙炎躔。以上指所撰嶺海集。旅寓依朱季。生徒待鄭虔。細流源必匯。大冶入宜甄。臺尙風期

杳。潘張麗體駢。鞠通揮綠綺。粉蠹守青編。漫亢諸侯禮。休輕百雉專。新晴勤稼穡。缺月挂弓弦。憶昨如行

脚。於今學坐禪。第能安食指。何苦落言詮。二妙嘗旋越。秋陸夢樓賦被放。雙珠復滯燕。雜存映川。最難寬鴉穩。奚

必慕騰鶩。故里諧談燕。高軒敞曼延。試燈低吐燄。逢麴飽流涎。贈別須丹棘。銷魂豈杜鵑。帆開揚婀娜。道

阻聽洄沿。過圯思黃石。還山訪偃佺。關心占勿藥。魯思病未愈。拭目待高褰。未得西河消息。那作垂天翼。真慚跼水

鳶左原遭見斥。伯玉解繩愆。求劍舟勞刻。凌雲字枉鐫。飄萍殊泛泛。芳草乍芊芊。嗜酒愁憑掃。耽吟體過
屏。諒予非擇祿。未敢就曹詮。

代人有贈

五銖衣薄畫雲綃。硯匣琉璃解頰椒。爐煖翠縈心上篆。鏡瑩紅隕影中潮。脂香羅掩痕猶印。粉醉霞烘暈
未消。配藥方依辰日合。照愁燈剩卯時挑。偶耽靜色風飄絮。時愛秋聲雨滴蕉。睡起錦書和月織。病慵螺
黛割烟描。衫緣篋冷薰初透。絲爲桐枯韻轉遙。花苑霧迷渾是夢。湘簾波浸不勝嬌。偷翻曲譜頭頻側。閒
攬丹青手自調。欲識惱公無限意。燭盤堆淚去迢迢。

入平原境曠如奧如。土阜如山蒼烟四合。令人有去此何之之嘆。
坡陀百折樹千重。徑絕烟濃忽又通。兩兩仙禽語何處。人家盡日翠陰中。

何青

字數峰。歙縣人。監生。今官澄海知縣。有味餘樓初稿。

蒲褐山房詩話。數峰天才英俊。風雅宜人。竹君爲安徽學使。特加識拔。既入京。復來受業爲詩。搖毫
擲簡。嘯傲滄洲。而五言宗二謝。七言宗韓蘇。又復左規右矩。節簇自然。是以詩名益振。然數奇不遇。
潤於鹽筴近始鳴。
琴花縣世論惜之。

富春江

解纜錢塘江。停舟富春郭。海門夕汎平。嚴瀨迅湍落。曲渚隱林巒。斜垣繞巖壑。閭閻樹杪懸。雞犬人家托。漁父泛依依。水禽飛格格。古剎覆松杉。遙村橫略約。涵岫暮烟微。逗月晴霞薄。羈旅淡無悵。山川果宿諾。永懷沈家令。言念謝康樂。洵美未能留。眷茲暫淹泊。

月夜宿石碓嶺

晨策恣幽尋。日暮中途歇。未梯絕巘雲。先臥孤嶺月。林籟響喁于。山泉流滯汨。氣清空谷寒。露下高巖潔。週遭天宇淨。遙峰露峯嶺。安得凌絕頂。飛觴和玉屑。相看興不違。近阻情彌切。雖獲蕩喧囂。還令神超越。僧房危榻支。不寐遲明發。

發慈光寺過巢雲洞歷小心坡度斷凡橋入一線天達文殊院宿焉

凌晨度慈光。攀躋越數里。層巒當我前。欲往昧所指。銛筇古洞通。驟入幽巖裏。慄慄小心坡。貼壁剛容趾。嵌空橫略約。下視不見底。一線穿鴻濛。諸天勞仰止。奇松解迎送。孕石參差倚。龍鱗勢欲飛。僵臥長不死。怪石作人立。兀兀爭奇偉。瞪目應接疲。側身忘險巇。罡風吹日斜。雲際暮鐘起。宛入蓬萊宮。文殊院有陸地蓬萊額心向文殊禮。還當十日留。憑眺窮終始。

鍛奴歌爲蘇餐霞作

鍛奴論詩氣食牛。百城坐擁窮披搜。鍛奴作詩力縛虎。鬼愁膽破避險語。有才不遇嗟窮途。賣文爲活長

江湖襟被依人聊爾爾。萬里山川供足底。狂來欲剗仙霞峯。興酣吸盡西江水。一笑贈我黃山歌。勸我晞髮山之阿。但道富貴浮雲耳。不如高山流水供長哦。丈夫落拓理則那。鍛奴鍛奴奈爾何。

雨中過怡雲山館觀桃

人足烟霞癖。居隣鷗鷺家。天桃沿徑密。細雨掠谿斜。新碧添春水。殘紅散落花。古歡如可接。好逐釣魚槎。

自南昌之南康別從兄秋厓

南浦傷心地。逢君又別君。早年多作客。何處不離羣。彭蠡波浮岸。匡廬樹出雲。登樓勞遠夢。春草滿江濱。

天都峯

斧鑿何年闢。巍然冠此山。更無峯比峻。豈有路能攀。向背三州外。陰晴一息間。軒皇長不返。終古石苔斑。

元夕章江望月

春到天涯始欲愁。今宵又見月當頭。東湖清影水涵閣。南浦芳塵人倚樓。浪迹關山經兩載。全家骨肉在三州。江城孤笛撩歸思。悔殺探奇處處留。

開封月夜有懷蘇餐霞在陳州

紆如衙鼓夜將分。萬里天無一縷雲。皓魄連宵看積素。羈魂異地怨離羣。樹高烏鵲當軒繞。城古荒雞隔巷聞。遙憶芳塵凝樹處。抽毫王粲最能文。

